



Broj: 01-01-0448/25

Sarajevo, 01.04.2025.godine

Na osnovu člana 18. stav (2), člana 10a. tačka a) Zakona o javnim nabavkama („Službeni glasnik BiH“, broj 39/14, 59/22 i 50/24), u skladu sa Finansijskim planom Javne ustanove „Služba za zapošljavanje Kantona Sarajevo“ Sarajevo za 2025. godinu, usvojen Odlukom Skupštine Kantona Sarajevo, broj: 01-04-55554/24 od 30.12.2024.godine, direktorica Javne ustanove „Služba za zapošljavanje Kantona Sarajevo“ Sarajevo *d o n o s i*

## **O D L U K U**

### **o izuzeću od primjene Zakona o javnim nabavkama BiH**

#### **Član 1.**

Od primjene Zakona o javnim nabavkama BiH („Službeni glasnik BiH“, broj 39/14, 59/22 i 50/24), izuzima se nabavka – Zakup dvorane Goran Čengić, Grbavica za potrebe organizacije 4. STARfest-a, koji će se održati 03. aprila 2025. godine u Sarajevu.

#### **Član 2.**

Ukupni iznos zakupa dvorane iznosi 3.570,00 KM, a sredstva će biti uplaćena direktno JP ONSA d.o.o., koje upravlja dvoranom, na račun 1610000180890073, uz napomenu „STARfest-MUNJA“.

#### **Član 3.**

Oznaka i naziv iz JRJN je 70340000-6 - Usluge u vezi sa vremenskim zakupom. Ekonomski kod 615 919.

#### **Član 4.**

Sredstva za realizaciju nabavke predmetnih usluga osigurana su Finansijskim planom Službe za 2025. godinu, koji je usvojen Odlukom Skupštine Kantona Sarajevo, broj: 01-04-55554/24 od 30.12.2024. godine, zajedno sa Odlukom o izvršenju Finansijskog plana Javne ustanove „Služba za zapošljavanje Kantona Sarajevo“ Sarajevo za 2025. godinu, broj: 09/1-2730-UO/24 od 23.09.2024. godine.

#### **Član 5.**

Ova Odluka stupa na snagu danom donošenja i biće objavljena na web stranici JU „Služba za zapošljavanje Kantona Sarajevo“ Sarajevo, [www.szks.ba](http://www.szks.ba).

## **Obrazloženje**

Javna ustanova „Služba za zapošljavanje Kantona Sarajevo“ Sarajevo, podržava projekte i inicijative koje doprinose razvoju karijernih mogućnosti i povećanju zapošljivosti mladih. U tom kontekstu, STARfest je prepoznat kao značajan događaj u oblasti profesionalne orijentacije i zapošljavanja, koji okuplja mlade ljude, poslodavce, edukatore, obrazovne

institucije i druge ključne aktere s ciljem povezivanja, profesionalnog usmjeravanja i unapređenja tržišta rada.

Javna ustanova „Služba za zapošljavanje Kantona Sarajevo“ Sarajevo u ovom projektu učestvuje kao partner, pružajući institucionalnu i finansijsku podršku u cilju osnažavanja mladih na tržištu.

Budući da se predmetna nabavka nesporno odnosi na zakup nepokretne imovine, jasno je da u konkretnom slučaju postoji pravni osnov za izuzeće od provođenja postupka javne nabavke, shodno članu 10a. tačka a) Zakona o javnim nabavkama („Službeni glasnik BiH“, broj 39/14, 59/22 i 50/24).

Sredstva za realizaciju ove nabavke, osigurana su Finansijskim planom Službe za 2025. godinu, koji je odobren odgovarajućim aktima.

Slijedom navedenog, a uvažavajući zakonske odredbe i utvrđene činjenice, ocijenjeno je da su ispunjene pretpostavke za izuzeće od primjene odredbi Zakona o javnim nabavkama BiH („Službeni glasnik BiH“, broj 39/14, 59/22 i 50/24), te je odlučeno kao u dispozitivu ove Odluke.

**Direktorica**  
  
**Amina Džonlagić**



**Dostaviti:**

- Sektor za ekonomske poslove i trezor,
- Jedinici za nabavke,
- A/a.